

მაღა ჭამაში მოდის...

თბილისი. „ლოკომოტივის“ სტადიონი. 16 ოქტომბერი.

„დინამო“ (თბილისი) – „ვისმუტი“ (აუე. გდრ) 2:1 (0:1).

„დინამო“: ურუშაძე, პეტრიაშვილი, კანთელაძე, ჭელიძე, ცხოვრებოვი, კუტივაძე, ილიაძე (მაჩაიძე), სიჭინავა, გავაშელი, ქარქაშაძე, ლ. ნოღია.

„ვისმუტი“: ტილე, ვაიკერტი, კილერმანი, პოლი, შმიდელი, შპიცნერი, ბარჩი, შალერი, პოლშტაინი, აინზიდელი, ბერლაინი (ზაიდელი).

მსაჯი თ. ველიევი (ბაქო).

გერმანელი ფეხბურთელები ამ მატჩის შედეგზე მაინცდამაინც დიდ იმედებს არ ამყარებდნენ. მათი თავდაპირველი სურვილი იყო როგორმე მოუვალი გაეხადათ საკუთარი კარის მისადგომები. ამ მიზნით დაცვაში ჭარბი ძალები გადაისროლეს და წინ მხოლოდ ორი სწრაფი ფორვარდი – შალერი და აინზიდელი დატოვეს. მაგრამ ისინიც მეტწილად მინდვრის შუაგულში მოქმედებდნენ და მასპინძლების კარს უშუალო საფრთხეს არ უქმნიდნენ.

დინამოელთა „მოდერნიზებულმა“ შემადგენლობამ, პირიქით, ბრძოლა გამარჯვების რწმენით დაიწყო და მეტოქე თავისი განზრახვის შესახებ თავიდანვე საქმის კურსში ჩააყენა. მაგრამ ერთია სურვილი, ასე ვთქვათ, გუნდის კონკრეტული მიზანი, ხოლო სულ სხვაა გზა და მეთოდი, რომელსაც ამ სურვილის შესასრულებლად იყენებ. დინამოელებმა არც ისე რთული ამოცანის გადასაწყვეტად აირჩიეს გეგმა, რომელმაც ისინი პირველ ტაიმში აშკარად არასახარბიელო მდგომარეობაში ჩააყენა. მართალია, მასპინძლები გამუდმებით უტევდნენ, მაგრამ არც ერთი ამ შეტევათაგანი არ იყო ბოლომდე მოფიქრებული და ამიტომ – შედეგიანი. ცალკეულ ფორვარდთა თუ ნახევარმცველთა პარტიზანული გამოხდომები სტუმრების დაცვითი რიგების გავლის შემდეგ კარგავდა სიმწვავეს და ბოლოს საჯარიმო მოედნის მისადგომებთან ქრებოდა.

„ვისმუტმა“ ყოველივე ამას ადრე აულო ალლო და, ვინაიდან კარის აღების უშუალო საფრთხე არსაიდან ჩანდა, ოდნავ წინ წასწია თავდამსხმელები. ამბობენ, მაღა ჭამაში მოდისო. სტუმრებმა პირვანდელი მტკიცე განზრახვა – რაღაც არ უნდა

დასჯდომოდათ, არ გაეშვათ გოლი, უფრო აგრესიული განზრახვით შეცვალეს და მალე (30-ე წუთზე) სისრულეში მოიყვანეს.

...თბილისელთა მხარეს დაინიშნა კუთხური დარტყმა. ცენტრფორვარდმა აინზიდელმა მალალი ბურთი დაჰკიდა საჯარიმო მოედნის ცენტრში. რამდენიმე დინამოელი უმაღ ალიმართა ბურთის მისაღებად, მაგრამ ყველაზე უკეთესი აღმოჩნდა „ვისმუტის“ მცველის პოლის ნახტომი, რომელმაც ზუსტი თავური დარტყმით გახსნა კიდეც ანგარიში.

თამაშის ტაქტიკური ნახაზი შესვენების შემდეგაც უცვლელი დარჩა, მაგრამ მასპინძლების წინაშე უკვე კონკრეტული გეგმა დაისახა (პირველყოფლისა, ანგარიშის გათანაბრება, შემდეგ კი გამარჯვებაზე ფიქრი), რომლის განხორციელებას გუნდმა უფრო ენერგიულად მოჰკიდა ხელი. საპასუხო გოლი, რომელიც ლ. ნოდამ გერმანელთა კარში 65-ე წუთზე გაიტანა, ლოგიკური შედეგი იყო ტერიტორიული უპირატესობისა, რომელსაც „დინამომ“ მეორე ტაიმის მე-10 წუთში მიაღწია. კიდეც 17 წუთის შემდეგ კუტივაძემ შორიდან ზუსტი დარტყმით წერტილი დაუსვა ბრძოლას, რომელიც დიდხანს სახარბიელოს არაფერს უქადაგებდა მასპინძლებს.

ნ. გუგუშვილი.

ლელო 18.X.69 წ.